

DISSERTATIO INAUGURALIS MEDICA
DE

LEIENTERIA,

QVAM,
ASSISTENTE SUPREMO NUMINE,
GRATIOSÆ FACULTATIS MEDICÆ CONSENSU,
CONFLICTUM MODERANTE
ON. GEORGIO DANIEL
COSCHWITZ,

ED. DOCT. ANATOM. CHIRURG. ET BOTAN. IN ALMA FRI-
RICIANA PROFESS. PUBL. ORDIN. POTENTISS. BORUSS. REGIS IN
COMITATU MANSFELDENS. ET APUD PALATINOS HALENS. PHY-
SICO MERITISSIMO ACAD. CÆSAR. LEOPOLD. NAT.
CUR. COLLEGA LONGE DIGNISSIMO,

PATRONO ET PROMOTORE SUO SINGULARI HONORIS
CULTU DEVENERANDO

PRO GRADU DOCTORIS
SUMMISQUE IN ARTE MEDICA HONORIBUS
AC PRIVILEGIIS, MORE MAIORUM
OBTINENDIS,

Horis locoque consuetis

Anno MDCCXXVII. D. April.

PUBLICO ET PLACIDO ERUDITORUM EXAMINI EXPONET
RESPONDENS

CHRISTIANUS STORCH.

BREGA - SILESIVS.

HALÆ MAGDEBURGICÆ,

Typis IO. CHRISTIANI HILLIGERI Acad. Typ.

V I R O

PRÆNOBILISSIMO AMPLISSIMO ET DOCTISSIMO

**DNO. WOLFFGANG ABRAHA
SCHILLINGIO,**

CURLÆ SUPREMÆ PROVINCIALIS LIPSIENSIS PROCURATO
ET JURIS PRACTICO CELEBERRIMO,

V I R O

PRÆNOBILISSIMO, AMPLISSIMO ET DOCTISSIMO

DNO. MARTIN MVSIC,

PHILOSOPHIÆ MAGISTRO, ET PROFESSORI GYMNASII BI
GENSIS CELEBERRIMO.

V I R O

PRÆNOBILISSIMO, AMPLISSIMO ET DOCTISSIMO

**DNO. IOHANNI GODOFRED
LAVRENTIO,**

ADVOCATO LIPSIENSI CELEBERRIMO

Hasce studiorum suorum primitias in gratiam
animi tesseram dicat consecratque.

CHRISTIANUS STOF



DISSERTATIO INAUGVRALIS MEDICA.

DE

LEIENTERIA.

PROOEMIUM.



Itam nostram ingestionibus & egestionibus, aliisque rebus non naturalibus in certa atque proportionata quantitate atque debita crasi præsentibus conservari, quem quæso! fugit sanorum Medicorum? Cibus enim & potus, seu alimenta eum in finem in corpus assumimus, ut ex illis chylus laudabilis & Lympha, qua partes machinæ nostræ artificialis solidæ nutriuntur, secernatur & separetur, crudiores e contra remanentes partes per organa secretoria, & excretoria utpote per renes, alvum, peripheriam cutis, aliaque plura, sub urinæ, fecum alvinarum, sudoris & muci forma tam secernantur, quam excernantur atque e corpore ejiciantur

tur. Aër, quid ad vitæ conservationem conferat, quis nescit? Animi pathemata, eaque fortiora & vehementiora sanitati nostræ labem facillime inducere possunt. Nec motus solum corporis debitus, sed & quies absolute ad circulum sanguinis promovendum & rite absolvendum requiritur, quies enim corpori æque utilis est ac motus: *vid. Excell. Præsid. Organ. & Mechan. Sect. II. Cap. II. §. 58.* Excreta atque retenta quod attinet, illa ingestionem prægressam præsupponunt; ingestorum vero subtiliores lymphaticæ particulæ, si a crudioribus non secernuntur, atque in corpore ad ejus nutritionem non retinentur, e contra vero crudiores atque excrementitiæ partes non per organa debita excernuntur, qualis ex ingestis corpori adfluit utilitas? nulla profecto, sed potius maximum damnum & detrimentum, imprimis si excrementitiæ particulæ in corpore remanentes, sanguinis & reliquorum humorum massæ sese admiscent. Quamdiu itaque hæ secretiones & excretiones in debito adsunt & manent vigore, ut neque quantitate neque defectu peccent, tamdiu structura corporis nostri cum mixtione humorum illibata tenetur & conservatur: defectu itaque peccant, si motus non adsunt proportioni humorum adæquati, (*vid. Illustr. Stahlii Diss. de Proportionibus humorum ad motus*) ut secernenda separentur, & separata excernantur & eliminantur; excessu vero, si secretio vel excretio proportionem sui debitam ac naturalem transcendit & nimia existit: sic v.g. alvi excretio naturalis in præternaturalem sponte permutatur, & tunc *Diarrhœa simplex*

simplex existit, qua mediante excrementa quidem alvina, sed in majori, quam decet, copia excernuntur: sic *biliosa* oritur *Diarrhoëa*, si videlicet nimia bilis acris & intestina erodentis quantitas excernitur, quæ infantibus potissimum est familiaris: sic sub *Dysenteria* quoque sanguis laudabilis atque floridus per alvum excernitur, qui tamen ad corporis augmentum impendi debuisset, quo deinceps vires prosternuntur, gravissima symptomata inducuntur, imo tristissima mors sequitur: quale quoque fatum experiuntur *Fluxu hepatico* laborantes & afflicti, sub hoc enim vel sanguis purior, hoc tamen raro, vel materia instar carniū loturæ excernitur. Tali modo sese habet alius adhuc affectus, excretio nempe per alvum præternaturalis, sub qua nec bilis in majore quam par est copia, nec sanguis, sed alimenta excernuntur, qui molestus affectus medicis a multis jam ævis sub LIENTERIÆ titulo notus existit, quem in hisce paucis pagellis pertractandum suscepi. Tu vero, TRIUNUM NUMEN concede vires atque facultatem, ut hæc tractatio atque cuncta conata mea in Tui gloriam, & in solatium ægrorum vergant atque per tingant.

§. I.

LIENTERIA quid sit, & unde denominationem suam capiat & significationem, omnibus sine dubio notum est *ιατροτήχνης*: hinc supervacaneum fere esse putamus de illa prolixius agere; verum enim vero mori aliis consueto ut satis facia-

faciamus, & in tractatione nostra ordine procedamus, paucissimis de ortu hujus vocis dicemus: sciendum itaque, Lienteriam componi ex græcis verbis λειόν læve, & έντερον intestinum; græcis quoque audit λειότης τῶν έντέρων vel λειεντερήν, Latinis intestinorum lævitas, qua græca quoque utitur voce divus Hipp. Aphor. Sect. VII. 76. dicens: ἐπὶ δυσεντερήν λιεντερήν ἐπιγίνεται.

§. II.

Ne autem nominalis tantum, sed realis quoque affectus nostri *Definitio* innotescat, ad hanc ulterius progredimur, & cum aliis Medicis Practicis asserimus, quod Lienteria sit excretionis præternaturalis aliqua species, & quidem alvinæ, sub qua non sanguis, nec alius humor, sed cibi & potus ingesti, vel plane non, vel aliquatenus tantum concocti, vel jam in chymum, vel in chylum vix conversi, paucis post pastum horis per intestinorum canalem excernuntur & ejiciuntur. Huic nostræ sententiæ sese veterum Medicorum subscribunt nonnulli, inter quos J. Antonid. van der Linden in *metem. med. Hipp. Lib. III. 101.* inquit: *Lienteria est, cum chylus aut crudior cibus potusve dejicitur: & Arnold. Villanov. in Breviar. Lib. II. cap. 22.* ubi ita definit Lienteriam: *est fluxus ventris cum lævitate intestinorum & stomachi, in qua cibus atque potus indigestus, quasi in eadem qualitate, in qua sumitur, per secessum emittitur.*

§. III.

Distinguitur hic noster affectus a Practicis respectu gradus in Lienteriam proprie sic dictam, & passionem vel fluxum celiacum, qui derivatur a græco verbo, κοιλία, venter, estque idem ac si dixeris, *Ventris fluxus.* Der Bauch-Fluß. Lienteriam itaque vocant, ciborum crudiorum, sicuti erant ingesti, & minus alteratorum excretionem, videlicet, si post pa-

stum

statim, antequam in pultaceam convertantur substantiam, excretio illorum sequitur: sub Fluxu vero coeliaco intelligunt eliminationem quidem ciborum ingestorum, qui vero non post assumptionem statim, sed in chymum jam redacti, lacteum quasi vel albicantem colorem referentes, paucis post pastum horis excluduntur. vid. *supracitat. J. Anton van der Linden meletem. Med. Hipp. Lib. IV. 46.* inquit: Ab alvo exiens crudior chylus quidem, coeliacam; cibus vero, Lienteriam significat. Leviolem itaque gradum fluxus coeliacus, summum vero & primum Lienteria constituit: Distinguitur porro in idiopathicum & symptomaticum, prior est, si sine alio cardinali morbo conjunctus ad est, posterior vero, si cum alio morbo vel chronico vel acuto combinatur: sic saepius accidit, ut Lienteria, Diarhoea, Dysenteria vel aliis morbis acutis superveniat, ubi sane curatu est difficilior, de quibus infra prolixius gemus.

§. IV.

Quis vero ex his supra dictis non facile videt, earum differentiarum primam non esse essentialem, sed tantum affectus hujus speciem, eamque ab altero gradu tantum, vel quoad majus & minus differre, hinc (quia in medicina non sunt multiplicanda) huic distinctioni jure meritoque super sedemur & Lienteriae titulum solum retinemus, ac utrumque hunc affectum ab uno titulo comprehendimus ad normam J. Dolæi, qui in *Encyclopæd. Cap. III. §. I.* dicit: *cum hi affectus Lienteriam putat & coelicam passionem non multum inter se differant, simul illos pertractare animus est.* Ad quod accedit illud, quod fluxus coeliaci nomen, nil nisi communi termino ventris denotet profluvium, qui pro terminus pro determinanda affectus specie non suffi-

sufficit, nequaquam enim sub ventris fluxus titulo solum hunc specialem fluxum, sed alia quoque ex ventre profluvia intelligere possumus: nonne enim dysenteria & diarrhoea, tam serosa, quam biliosa, & fluxus hepaticus sunt fluxus ventris? hinc superfluum esse censemus, duplicem affectus pathologiam prosequi, sed potius Lienteriæ titulum secundum diversos ipsius gradus perpendimus, & consideramus, præsertim cum experientia doceat, hos ab antiquis distinctos ad affectus se invicem multoties excipere atque sequi.

§. V.

Differt vero hæc catoterica excretio ab aliis profluviiis alvinis: sic a Diarrhæa distinguenda est serosa
 1) ratione materiæ excretæ, in hac enim materia seroso-mucida excernitur, in illa vero alimenta ad corporis *ἀνζύσιον* ingesta: 2) respectu salubritatis & noxæ, diarrhoea enim est institutum naturæ salutare, sub qua mucidæ illæ serosæ partes, naturæ molestæ, & œconomia animali damnum facile inducentes, excernuntur & expelluntur; Lienteria vero non salubrem, sed noxiam potius & erroneam indolem involvit, sub illa enim chylosæ & nutrientes partes, uno verbo, alimenta sicuti ad corporis nutritionem erant ingesta, excernuntur: differt 3) ratione subjecti generalis & specialis
 1) generalis, diarrhoëæ enim serosæ variæ, sexus, temperamenti & ætatis personæ subjiciuntur, lienteria vero senes ut plurimum, & infantes: 2) specialis illius, nempe diarrhoëæ subjectum speciale constituit, intestinum canalibus, eorum glandulæ, hujus vero, lienteria ventriculus, intestina & vasa chyliifera: 3) ratione causæ proximæ, saburra enim in diarrhoëa peccat viscidumucida, hic vero laxitas & lubricitas primarum viarum & vasorum chyliiferorum obliterationo accusatur: 4) respectu

specu causarum occasionalium & signorum, de quibus omnibus suo loco infra prolixius & accuratius agemus.

§. VI.

Alia vero adhuc *Differentia* notanda occurrit inter affectum nostrum, & Diarrhoeam biliosam, differunt enim inter se invicem *tam* ratione materiae excretæ, bilis enim sub hac, neutiquam vero sub illo excernitur: *quam* ratione subjecti generalis & specialis huic enim varii sexus & ætatis personæ, illi vero infantilis potissimum ac senilis ætas subjicitur. A fluxu quoque differt Epatico, sub hoc enim plane liquida contingit excretio materiae vel sanguinolentæ, vel loturæ carniū similis. Nec non a Dysenteria differt nostrum alvinum profluvium, illa enim est alvi profluvium impetuosum, plus minus cruentum, epidemicum & contagiosum cum gravissimis symptomatibus combinatum, valde periculosum, a causa epidemica seu communi ortum: nostrum vero profluvium non est impetuosum, quamvis haud ita tacite contingat, nec cruentum, non enim sanguis nisi data aliqua causa occasionali, excernitur; multo minus epidemicum & contagiosum: cum symptomatibus quidem stipatum est, quæ vero respectu gravitatis longe a symptomatibus dysenteriae familiaribus discedunt: nec adeo periculosus hic noster est affectus, nisi cicatrificationem intestinorum post dysenteriam excipiat, vel morbis acutis & chronicis superveniat: idiopathicus vero si existit, facile transit; inducta enim rursus, relaxatis partibus, atoniæ remotione, sponte remittit: multo minus a causa epidemica oritur, aer enim in se spectatus aut miasmatibus refertus, ut lenteriae causa nullatenus est accusandus. A fluxu quoque differt hic noster affectus hæmorrhoidali, hic enim actus

est naturæ autocraticus in salutem animalis œconomix institutus, quantum enim ad sanitatem tuendam vitamque conservandam (non in omnibus quidem hominibus, sed certis tantum individuis) faciat, quotidiana testatur experientia: ille vero non salutaris sed noxius potius est affectus, virium prostrationem post se trahens.

§. VII.

Breviter itaque explicata differentia inter lienteriam & alias alvinas excretiones devolvimur ad *Signa pathognomica*, quibus affectus noster dignoscitur, quæ antea sunt evolvenda & recensenda, quam ad *Symptomata, Subjecta, Causas, Prognosin, ipsamque Curam* progrediamur: quomodo enim quæso! morbo, qualiscunque demum sit, medetur, nisi prius, an talis sit, ex signis diagnosticis dijudicetur: hinc optime Celsus Præf. L. I. p. 13. monet: *Cujus rei non est certa cognitio, ejus opinio certum reperire remedium non potest; verumque est, quod ad ipsam curandi rationem nihil plus conferat quam experientia.* Pauca quidem prostant signa, quibus alvina hæc excretio dignoscitur, per multa enim illa, quæ Practicorum varii pro signis habent, symptomatum potius, quam signorum, numerum subeunt: sic ad signa referunt dolores & murmura abdominis, cardialgicas strictiones, appetitus plenariam prostrationem & nauseam, de quibus infra, quando symptomata pertractabimus, acturi sumus, & quod ad symptomata non vero ad signa pertineant, demonstrabimus. Ut vero propius ad signorum enucleationem & recensionem accedamus, notamus, quod quidem non opus sit multa in medium proferre signa, cum talis existat hic affectus, qui se ipsum prodit excretionem certæ materiæ, ut a medico, adstantibus, ipsoque ægro facile revelari possit: verum
enim

enim vero, cum hæc signa ab aliis defluxionibus alvinis aliquomodo differant, pauca ad distinctionem eorum addere, haud supervacaneum, sed necessarium potius esse ducimus.

§. VIII.

Differt igitur Lienteria ratione signorum a Diarrhœa & Dysenteria, inprimis conditione excrementorum, vid. sup. §. V. præcipuum igitur & principalissimum est Lienteriæ signum, si sub illa neque mucus, neque serum, neque bilis, neque sanguis, nec alius humor, sed substantia fluxilis subalbi coloris, id est, ipsa ingesta, vel plane non, vel aliquatenus alterata, excernuntur, quæ vero excreta materia odorem nauseosum, multo minus foetorem rarissime exhalare sinit: interim hæc est notanda differentia, superius jam citata, inter ipsam materiæ excretæ conditionem, cibi enim si plane non alterati excernuntur, *Lienteriam*, aliquatenus vero alterati & in chymosam & semichylosam substantiam permutati, *Fluxum coeliacum* constituunt. Porro signum constituit, quod non omni tempore contingat, sed notante Hippocrate & C. Celso autumnali magis præ aliis anni temporibus, & si contingit, non die nocteque duret & continuetur, ceu diarrhœa & dysenteria, sed tantum post ingestionem ciborum eveniat, & excretis illis sponte transeat, donec post novam ingestionem nova excretionis suppeditetur materia, & sicuti aliis profluviiis alvinis tormina, intestinorum morificationes, aliaque graviora symptomata superveniunt, ita parum illorum in Lienteria observatur, nisi causa occasionalis aliqua illa provocaverit. Diversitas vero excrementorum, ut supra jam diximus, præcipuum est signum, reliquisque cunctis palmam præripit, illa enim ut signa magis generalia aliis quoque affectibus familiaria, hoc

vero ut speciale Lienteriæ signum est habendum. Ubi vero adhuc monemus, iudicium Medico hic esse adhibendum, ne statim & semper Lienteriam adesse putet, ubicunque semel aut alterutra vice Cibi indigesti egeruntur. Lentescimus enim, Passulæ, aliaque concoctu difficilia, naturæ molesta ingesta non alterata, nec in chylum mutata, si (quod ipsis solenne est) aliquando excernuntur, non Lienteriam statim indicant, imprimis si nec debitæ causæ, nec ordinaria adsunt symptomata Lienteriam concomitantia.

§. IX.

Sunt vero symptomata huic adfectui communia constrictiones spasmodicæ in intestinis fientes, cardiacæ quoque sæpius stricturæ, cum appetitus plenaria prostratione & nausea, ita ut hoc morbo laborantes dicere & conqueri soleant: Sie haben nicht den geringsten Appetit zum Essen, ja wenn sie auch denn und wenn was Essen wolten, so ecckelte es ihnen, wenn sie nur Speise sähen: ante sedem gravamen circa ventriculum sentiunt. Hæc vero omnia recensita symptomata ratione gravitatis tantum non agnoscunt gradum quantum in dysenteria (putamus vero idiopathicam Lienteriam, non vero symptomaticam, ut symptoma enim, si dysenteriae vel alii diuturno morbo supervenit, eadem & graviora fere experiuntur afflicti symptomata hinc optime Hipp. Aphor. S. VIII. 5. inquit: *Ex morbo diuturno alvi defluxus malum*) Nec possumus, quin corporis emaciationem pro symptomate Lienteriam concomitante accusemus, ingesta enim, quibus corpus nutriri debet, si minus digesta & concocta excernuntur, nutrimenti defectus, hunc vero debilitas & corporis macies e vestigio sequuntur.

§. X.

Ut *Subiectum Lienteriæ generale* potissimum infantes, vel senes, vel illos accusamus, qui a multis prægressis imprimis diuturnis morbis afflicti fuerunt atque debilitati, ut & foeminas præ viris: hi vero omnes, etsi pro subiecto declarentur, non igitur negamus hunc affectum aliis quoque vel adultioribus vel in virili ætate constitutis, vel viris accidere posse, sed tantum cum a potiori fit denominatio, hos supra memoratos pro subiecto declaramus: hujus enim veritatem tam a priori, quam a posteriori probabimus: *a posteriori* si probatio nobis incumbit ad experientiam & authoritatem practicum celeberrimorum tam antiquorum, quam modernorum, quibus & merito Exc. Domn. Præses accensendus, provocamus, hi uno ore fere omnes profitentur, senes & infantes cum foeminis præ aliis huic affectui subijci: *a priori* vero probationem a conditione & constitutione infantum, senum, & foeminarum desumimus, illorum enim, nempe infantum partes tanto non robore gaudent tonico, quo adultiorum, hos vero in genere & ut plurimum debilitate toni & relaxatione ventriculi & intestinorum laborare quis est, qui nescit? imprimis si Phlegmaticum temperamentum concurrit, tunc vigor sufficiens & motuum activitas deficit: diuturnis vero & gravissimis morbis afflicta & debilitata personas pro subiecto generali accusare minime dubitamus, hoc enim per se elucescit, debilitatem partium, & toni defectum, diuturnos morbos proxime sequi: Foeminas præ viris pro subiecto declarat Celeb. Nenterus, & quidem optimo jure, hæ enim si præ viris magis sedentariæ vitæ deditæ sunt, activitas quoque naturæ & motuum ad incitas redigitur, debilitum enim motum ad concoctionem & digestionem ciborum,

borum, chylique distributionem requiri, in prooëmio jam pluribus demonstravimus, ne dicam, quod Foeminae comparative semper humidiores deprehendantur.

§. XI.

Speciale Subiectum constituit Ventriculus, cum Intestinis, & vasis chyliiferis: calor enim naturalis & debitus ventriculi, si deficit, concoctio quoque ciborum labefactatur, hac vero labefactata, cibi ingesti in ventriculo dissolvi nequeunt, sed viam excretionis ante digestionem quærunt, quæ nulla alia est, nisi intestinorum canalis: hic vero iterum, illa differentia inter Lienteriam & coeliacum fluxum notanda occurrit, in illa enim ventriculi relaxationem, in hoc vasorum distributioni chyli dicatorum malam dispositionem accusamus. Chyli enim distributio, quomodo peragitur, his fufius non explicabimus, hoc enim ex anatomicis innotescit & desuper B. L. Exc. Præf. Organ. & Mechan. Sect. I. Cap. II. perlegendum commendamus, ut & Ill. Bohn. circ. Anat. progymnas XXII. Distributio enim chyli præsupponit ciborum concoctionem, & in chylum ac chylum reductionem, illa fit in ventriculo, hæc in duodeno sub admixtione humoris pancreatici, utraque igitur hac rite peracta chyli fit distributio: hinc facile patet, ventriculi laxitatem ad chyli distributionem nihil facere, & consequenter fluxus coeliacus subiectum strictè non constituere sed Lienteriæ: vasa e contra chyli-fera, si oblitterata sunt, ut chylus debite per villosam tunicam transprimi non possit, subiectum fluxus non constituunt Lienterici, sed coeliacus, ubi vero monemus, nostali in casu præsupponere concoctionem ciborum eorumque digestionem jam peractam, deficientibus enim his, chylus quoque, quamvis vasa chyli-fera sint aperta, distribui nequit. vid. Wedel Physiolog. Reform. Sect.

Seet. III. Cap. 3. *Si modo bene coquat ventriculus, non fit tamen Lienteria.*

§. XII.

Missis his ad *causas* Lienteriæ earumque tractationem properamus, ubi primo consideranda venit *Causa Proxima*, quæ consistit partim in laxitate, lubricitate & lævitate primarum viarum, partim quoque in vaforum chyli ferorum obliteratione. Ventriculi hanc ob causam laxitas & lubricitas, ut proxima causa accusanda venit: illa, si ventriculus debito non instructus est robore tonico & naturali calore, facultatem quoque concoctricem & retentricem (uti Veteres locuti sunt) amittit; hæc vero, quia cibi ingesti in ventriculo ob materiam lubricam ac parietes lubricantem, satis diu retineri nequeunt. Notum enim est ex Anatomicis ventriculum ex variis esse compositum tunicis, quarum interior villosa est, quæ cum nervea rugas in ventriculo constituit, & aspera est; hæc vero rugæ, si a pituitosa illa & mucida materia obducuntur, contenta retinere nequeunt, sed ad intestina meare patiuntur.

§. XIII.

Causam vero antecedentem materialem proximam constituit nimia humoris seroso-mucidi in ventriculo & intestinis præsentia, quæ quoque diarrhœæ serosæ est causa, sub illa enim ejusmodi excernitur materia. Alio vero modo hic peccat illa seroso-mucida materia in nostro affectu, sicut enim in diarrhœa materiam excretionis constituit, ita in nostro casu parietibus Ventriculi & intestinorum adhærendo, impedit humoris salivæ & gastrici secretionem, impedita vero hac, effectus quoque dissolutorius ciborum tollitur: in intestinis vero mucida illa serosa colluvies æque ac in ventriculo lubricitatem & lævitatem, imo aliqualem toni relaxationem

nem producit, ut cibi ad ventriculum delati non satis digeri & concoqui possint: Notum enim est, quamprimum esculenta & potulenta, vel alia quoque utilia, vel noxia, ad ventriculum delata fuerint, statim naturam motus ad hanc præcipue partem dirigere, & Ventriculum peristaltico motu moveri, ut vel cibi concoquantur, vel alia naturæ molesta ejiciantur. Neque aliquis sibi persuadeat, rugas ventriculi in nostro affectu penitus deleri, hoc enim si esset, cibi in ventriculo, quasi in sacco hæerent & in illo remanerent, neque expelli possent. Hunc vero in finem rugæ illæ sunt a sapientissimo Creatore adornatæ, ut sub illarum attritu, a perpetuo peristaltico motu contingente, ea quæ in ventriculo & intestinis hærent, tam dissolvantur, quam excernantur: materia vero seroso-mucida, si in copia hic confluat, rugas has oblinat, ut officio suo rite fungi nequeant; & tali modo fit Lienteria.

§. XIV.

Temperamentum Phlegmaticum vel magis tale referimus ad *antecedentes remotiores causas*, in affectu nostro idiopathico: in symptomatiko autem morbosas alias læsiones antecedentes: quis enim dubitabit, ab utraque causa relaxationem toni & intestinorum oriri posse? in phlegmatico enim temperamento semper talis præsto est materia seroso-mucida, quæ laxitatem & lubricitatem ventriculo facillime inducit: Morbos si spectamus præsentibus ad hos referimus Icterus, Hydropem, Febres lentes & hæcticas, diarrhoëasque diuturnas, imo Dysenteriam: his enim præsentibus ventriculus & intestina ita sæpe debilitantur, ut talis exinde oriatur affectus symptomatikus. Quod enim Lienteria dysenteriam sæpius sequatur, divus jam suo tempore notavit Hipp. Aphor. Sect. VII. 76. dicens: *A dysente-*
ria

ria intestinorum levitas supervenit. Aliquando quoque, sed paulo rarius causæ occasionales ab extra quasi accedentes productioni nostri adfectus favent; sic aër autumnalis hic aceusandus venit, ille enim frigidus & humidus relaxationem fibrarum inducit: imprimis vero autumnali tempore talis oritur adfectus lientericus a fructibus horæis, quibus tunc temporis vescimur, succo acescente & multum aquoso scatentibus; quo pertinent cucumeres, Melones, hujusque generis alia, hinc Dolæus in Encyclop. Lib. III. 12. observationem adducit de Medico Gallico, qui Parisiis limini ædium suarum superbifica quadantenus manu structarum hoc gallicum distichon aureis inscripsit literis:

*Les concombres & les melons
M'ont faire bastir cette maison.*

Olera quoque aliique cibi succo tali aqueo aut acido imbuti atque repleti occasionem præbent huic affectui, imprimis si in vasis coquuntur cupreis, & in illis diutius, quam debent asservantur, liquor enim ille acidus oleribus & fructibus horæis inhærens portionem cupri resolvit, ut in viride æris quasi mutetur, quod cibis sese insinuat & cum illis ad ventriculum & intestina delatum nauseam, torsionem aliosque producit effectus, stimulando enim acrimonia sua & vellicando tunicas ventriculi & intestinorum occasionem præbet naturæ & ansam, ut majorem humorum serosorum huc affundat & compellat copiam, qua motum excretorium non solum, sed & dilutionem noxiæ materiæ intendit. Talem acidum & rodentem liquorem ventriculo acrimonia sua æque ac reliquis partibus damnum inferre summum testatur casus ab Excell. PRÆSIDE communicatus, ubi Nobilis quidam senex Polonus mone-

tarum cuprearum denarii magnitudinem excedentium N. 288. (ex joco sub pulte in ventriculum deglutivit, quas per longum tempus in illo retinuit, donec tandem concurrente affectu lienterico exitum per anum invenerunt, adeo ab acrimonia liquoris illius acris in ventriculo hærentis arrolæ, ut effigies Regia vix dignosci potuerit. Hinc quoque *Excell. Dno. PRÆSIDE in Pathologia sua sub prælo sudante, præeunte*, hunc nostrum affectum non pro pure passivo declaramus, sed simul pro activo & autocratico naturæ instituto, certis vero & distinctis respectibus: si enim partem proxime affectam, nempe Ventriculum cum intestinis pro subjecto proprio consideramus inque hoc subjecto causam quærimus proximam atque materiales, simulque ad individua, quibus idiopathice familiaris esse solet, respicimus & attendimus, quod vel Phlegmaticis personis vel senibus vel infantibus eveniat, vel affectibus hydropicis aliisque diuturnis profluviiis alvinis prægressis succedat, non possumus, quin primarum viarum atoniam accusemus, ideoque illud profluvium respectu affectæ partis, tanquam passivum agnoscamus; si autem ulterius progrediamur & in corpore affluxus serosomucidæ materiæ huc congestæ originem inquiremus, facile patebit, naturam tanquam causam efficientem esse agnoscendam, quæ remotiore ordine, propter materiæ peccantis præsentiam hic agit atque concurrat.

§. XV.

Hic vero simul incidenter notandum, atoniæ vocem non semper strictissimo sensu in medicina sumi atque occurrere, & ita explicari debere, quasi totam semper abolitionem aut resolutionem toni partium indicet atque supponat, qualis in affectibus paralyticis &

& apoplecticis observatur, sed sæpius etiam pro nimia saltem toni relaxatione assumi, quæ vel magnam partium distensionem & expansionem, vel humidam earundem emollitionem sequitur, ideoque flacciditatem præternaturalem & comparativam designare. Defectum vero actus nutritionis & distributionis nutrimenti hic concurrentem, quod attinet, non dubitamus, eundem in præsentē casu ad pathemata & læsiones esse referendum, cum utique hic læsio mechanisimi partium præsto sit, per obliterationem viarum chyliferarum: quamvis alio respectu neglectus nutritionis in abstracto consideratus utique non a mechanismo partium dependeat, sed ad principium agens sit referendus, qui si in nostro affectu forsan concurrens observetur, rectius pro effectu & consequente morbi morali, quam pro causa affectus antecedente agnoscendus esset.

§. XVI.

Ad curam hujus adfectus antequam propius accedamus, de Prognosi illius breviter agemus, hanc Medico scitu esse necessariam, recte Cous jam suo inculcavit atque notavit tempore: vid. *Proëmium prognost.* quid enim frequentius accidit Medico, quam, si ægrotantium lectos adit, ut ab illo contendat, qualis sit illorum morbus, an chronicus, an acutus, an periculosus, vel quid & qualis eventus de illo sperandus sit: sic quæstiones instituere vulgo solent: Wird es auch wohl Gefahr mit meiner Krankheit haben, oder werde ich wieder aufkommen: hic sane Medico incumbit, ut, quantum potest, ad has quæstiones rite & promte respondeat, ubi vero simul Medico juniore imprimis suademus, ne nimis tutos reddat ægros, felicemque illis promittat curam, pristinamque valetudinem, sinister enim si sequitur eventus, fama Medici læditur, ejusque autoritas.

Hiscæ præmissis ad signa nostri affectus prognostica progredimur, de quibus in genere sciendum, utrumque affectum, gradu tantum diversum, non pronihilo esse habendum, nec contemnendum: universo enim corpori præsentia illius subtrahitur nutrimentum, hoc vero subtracto corpus non augetur, e contra vires prosteruantur, & sic profecto tristis est sperandus eventus. Sic optime Riverius Præx. Med. Lib. X. Cap. V. monet, inquiens: Lienteria & cœliaca passio, si diu perseverat periculosa est, quoniam toti corpori nutrimentum subripit: *Lienteriam vero periculosius esse malum cœliaca vult Sennert. Lib. III. part. II. Sect. II. si quidem* dicit, a majore caloris nativi prostratione & toni ventriculi debilitatione provenit. Adduximus §. 3. distinctionem aliquam, inter hunc nostrum affectum Idiopathicum & Symptomaticum, de qua pauca notanda veniunt: Idiopathicus si existit, tam periculosum non minatur eventum, quam si ut symptoma alii morbo acuto supervenit, vel chronico, si nempe mox transit, semel enim, bis aut ter quando recurrit, & postea curatur, nullum ulterius damnum præ se fert, quam aliqualem corporis & virium defectum & lassitudinem, quæ vero paullatim bona & laudabili diætâ, vel remediis emulsivis, lymphaticas particulas secum gerentibus restituantur: sic enim diarrhoëa sub qua non seroso-mucidæ tantum, sed lymphaticæ simul & nutrimento corporis inservientes particulae excernuntur, non semper est lethalis, quamvis vires corporis illa consumantur. Tali quoque modo sese habet Dysenteria, sub qua sanguis quidem copiose excernitur, debitis vero remediis si tempestive sistitur, nullum ulterius corpori inducit damnum: hinc concludimus: *Lienteriam non diu durantem, non adeo esse funestam*

& lethalem: quod de cœliaco quoque fluxu notandum, hic pro causa agnoscit vasorum obstructionem & oppilationem, distributioni chyli dicatorem, quæ si diutius obstructa manent, affectum reddunt lethalem & funestum. Sennert. Lib. III. p. II. Sect. II. Cap. V. In cœliaca res fere desperata est, si morbus diutius duret, ægris ad convenientem diætam pigrescentibus: e contra vero, si mox laudabili chyloso humori transitum concedunt, sponte transit.

§. XVII.

Quo minus verò periculum, *Idiopathicus*, eo majus symptomaticus minatur; acutis morbis, si ut symptoma conjungitur pessimi est eventus: etenim morbi acuti in se spectati solitarie & sine alio morbi concursu præsentem periculosi sunt; ad hos enim curandos & materiam in illis peccantem subigendam & expellendam sufficiens naturæ motus requiritur, qui vero sæpè in illis deest; si itaque hic affectus noster concurrat, eo major corpori & viribus debilitas inducitur, hinc ut symptoma aliis morbis superveniens periculosior est idiopathico: cum in tali statu non purum symptoma, sed morbum quasi complicatum, constituat. Eandem tragoëdiam ludit in illis, qui chronicis laborant morbis & diuturnis, hos enim prostrationem virium e vestigio sequi, quis est sanorum Medicorum, qui nescit? si itaque hic affectus ut symptoma chronicis se adjungit morbis, eheu! quænam remanebit convalescendi spes? huic nostræ sententiæ applaudit Sennertus loco supracitato, dicens: *Lienteria, quæ acutos morbos & chronicos sequitur, difficulter curationem admittit, ob virium debilitatem* & Hipp. Aphor. Sect. VIII. 5. inquit: Ex morbo diuturno alvi defluxus malum. Atrophiam enim, Hecticam, Cachexiam, Hydropem aliaque

post se trahit mala: *Ad dysenteriam quoque, si intestinorum levitas superaccedit*, malum, idem affirmat Senex Aphor. Sect. VII. 76. & quis quæso est, de hujus asserti veritate dubitans: corpus enim emaciare diuturnis dysentericis profluviiis, experientia docet. Gravidis quoque lienteria est periculosa atque fontica ob abortiendi timorem, & quidem ex supra citato argumento, deficiente enim ciborum concoctione, eorum digestio, hac vero deficiente chymificatio, chylicatio, ejusque distributio, ad incitas redigitur, ubi vero nullus chylus unde sanguis? Sanguinis enim defectum obitum foetus causari & abortum provocare, notissimum est. vid. divi Senis Aph. S. V. 34. dicens. Mulieri in utero gerenti, si alvus multum fluxerit, periculum, ne abortiat. Senex ille gravis quidem de alvi fluxibus generaliter loquitur, interim nostrum lientericum fluxum ad præternaturales catotericas corpus emaciantes excretiones pertinere, nemo sanæ mentis compos in dubium vocabit. Priusquam vero tractationem de prognosi hujus affectus ad finem perducamus, paucis adhuc aliqua prognostica signa affectus hujus eventum vel malum vel bonum indicantia in usum practicum imprimis juniorum addere placet, hinc notandum; si ructus superveniat diuturnis lientericis acidus, qui antea non aderat, bonum esse signum. Hipp. Sect. VI. Aph. I. hujus affectionis probatio facile demonstrari potest, si perpendimus ructus ventriculi certo respectu concoctionem indicare, vid. Excell. PRÆSID. Organ. & Mechan. Sect. I. Cap. II. §. 91. hæc vero, si post diuturnam redit Lienteriam, de soluto morbo testatur, & ut Sennertus loquitur signum est, naturam operis sui reminisci; e contra vero pessimum est signum, si cum difficili respiratione & lateris punctura combinata est Lienteria teste Hipp. in Coacis. §. XVIII.

§. XVIII.

Prodeat nunc in conspectum *Tractatio* nostri affectus *curatoria*, ubi sub initio monemus, differentiam illam §. 3. 15. & 16. supra citatam hic esse observandam, ubi asseruimus, illum distingui in *idiopathicum* & *symptomaticum* hæc distinctio quoque imprimis in Praxi respicienda est. Ab Idiopathico igitur exordiemur, de quo experientia docet, illum rarissime in praxi occurrere medica, & si forsan occurrit, causam occasionalem pro fundamento ut plurimum agnoscere, cuprum nempe olera, vel hujus generis alia, de quibus supra plura, ubi de *Causis* egimus.

Hujus methodus medendi duabus fundata est indicationibus, quarum *prima* est, ut materia peccans in ventriculo & intestinis hærens, hunc affectum produciens abstergatur; altera vero, ut robur tonicum partibus hisce debilitatis per debita medicamenta reddatur, illisque inducatur. Hunc in finem maxima Medicamentorum a Practicis farrago est collecta, & commendatur, ne vero omnia illa remedia recensendo tempus teramus, & B. L. molesti simus, ad nostram medendi methodum & Curam hujus affectus transimus, nostraque vela expandimus. Ut quoque ordine procedamus, oculum ad primam indicationem dirigimus, quæ utique alteram antecedere debet, estque illa materiæ absterfio. Cum vero nihil moveri debeat, quod non antea ad mobilitatem sit redactum, tale quid hic quoque observandum: hinc antequam materiæ serofo-mucidæ hic peccantis excretionem intendamus, illa prius ad mobilitatem est disponenda & diluenda, quod optime fit per *salia incidentia* tam *alcalina*, quam *neutra*; ad *priorem* classem pertinet Sal Tartari, Absynth. C. B. aliaque ex plantis parata Salia: ad alteram vero
Arc.

Arc. dupl. Tartarus Vitriol. Sal digest. Polychrestum & Nitrum antimoniat. absorbentia cum acidis mixta, conchæ citr. Vel lap. Cancerorum cum succo Citri vel acido Tartari saturati. Ex his pulvis præparari potest, cujus scrup. un. ad drachm. sem. unc. pro una dosi capiat æger, illudque per aliquod tempus est continuandum. Reddita tali modo materia peccante mobili, ad primæ indicationis alteram quasi partem materiæ nempe hujus præparatæ excretionem est progrediendum, quæ fit per leniora balsamica abstergentia, hæ enim stimulantibus & laxantibus fortioribus palmam hic præripiunt; hunc in finem commendamus *Rhabbarbarum* in juscule assumendum, aloëtica leniora & sennata, quæ sibi invicem secundum justam & adæquatam proportionem mixta in hoc affectu conducunt, nec *Manna* plane est rejicienda, cum illius usus imprimis absterisionis scopo nobis satis sit expertus: vel pilulas balsamicas ad normam Ill. Stahlii & Becheri paratas, quarum No. XV. aut XX. pro dosi quotidie capiat æger, hisque per duos tresve dies est continuandum. Hæc vero in forma pilularum propinata, cum longius temporis spatium, antequam effectum edant debitum & speratum, requirant, vel ægro (cui forsan pilulæ non arrident) nauseam deglutiendo pariant, illis solvendis optime affunduntur *Aqu. Chæref. Mentb. &c. duæ drachm. ad dim. unc.* quæ mixtura una vice propinari potest ægro, & sic materiæ peccantis præparatio, illiusq; simul excretio absolvitur, & hoc tanto melius, si remedia incidentia cum laxantibus invicem sibi mixta propinantur, sic *dimidia pars pulveris ex incidentibus salibus parati*, paulo ante commendati misceri potest, cum anatica portione *pulveris Pilularum Stahlii vel Bech.* hujusque mixti, Scrup. un. vel drachm. dim. pro una dosi assumi. Idem quoque fit remediis e regno

regno vegetabili desumptis simplicioribus, quo spectant
Herbæ & radices incidentes & resolventes. *Rad. Enul.*
pimp. alb. Vincetox. Caryoph. & V. aper. HB. Marrub. alb. Ca-
pill. Vener. Scolop. Ceterach. Cuscut. quibus addi possunt *Rha-*
barbar. Ver. Rad. Polypod. HB. Epith. Fol. Sennæ, Agar. & leniora
carminativa. *Cort. Aurant. & Citr. Sem. Anis:* ex his nodu-
lus conficiatur, illique vinum affundatur, de quo singulis
diebus semel aut bis capiat æger haustum: In personis
phlegmaticis commode additur *Rad. Imperat.* & inter pur-
gantia *Rad. Mechoac. alb.* & parum *Jalappæ.* Tale infusum
materiam peccantem incidit & resolvit illamque per ad-
mixta laxantia educit. Hæc vero Methodus, si minus ar-
rideat, sed incisionem materiæ ejusque absterfionem seor-
sim instituere placeat, tunc dissolutio commode quoque
fit per supra commendata vegetabilia incidentia, omissis
laxantibus; absterfio vero solis laxantibus & abstergenti-
bus, *Pilulis* nempe de *ammoniac. Forest.* vel aliis ex gummato-
sis solventibus paratis *Stahlianis & Becherianis.* *Pilulæ*
quoque sic dictæ *Polychrestæ Exc. PRÆSIDIS* Sum-
mas in absterfione materiæ hujus peccantis, laudes me-
rentur.

XIX.

Altera Indicatio, Roboratio nempe tonica obtine-
tur exhibitione subadstringentium remediorum quibus
quoque tonica aromatica & roborantia sunt interponen-
da aut miscenda. A subadstringentibus vero est incipi-
endum, quo pertinent *Corall. Rub. Terrar. Sigillat. Species:*
quibus si speratum non edunt effectum adstringentia sub-
jungenda sunt: & nervina tonica roborantia, quorum præ-
cipua sunt, aromatica oleosa, volatilia resinosa, amara, ex *Ab-*
Synth. Nucist. Cinam. Croco. Myrrh. aliisque parata, quo nomi-
mine, Ess. Absynth. vel simpl. vel compos. Elix. PP. cum Rhab.
præsertim cum Vino Malvatico extractum. Sal volatile oleosum
D Sylv.

Sylv. Eff. Cost. dulc. Pimpin. alb. Cinam. Elix. Polychrest. Dn
PRÆSID. ad gut. X. XV. ad XXX. bis vel ter de die una
 hora ante prandium & coenam se commendant: optimum
 quoque usum præstant Martialia & imprimis Crocus Mar-
 tis Antimoniatus Stahl. vel Antimon. diaph. martiale, si ad
 aliquot grana vel cum pulvere Cort. Chaccar. vel ejus Ex-
 tracto propinantur. Usus quoque Vini aromatizati &
 chalybeati phlegmaticis est concedendus, ob tonicam
 quam possidet roborationem.

Vomitoria quoque nonnulli suadent Practici, si
 multa adest in ventriculo hærens muciditas & visciditas:
 de quibus notandum, eorum usum non plane esse con-
 temnendum, imprimis, si alia non obstant contraindi-
 cantia, quod vero Judicio Medici solertioris, in speciali
 tali casu semper adhibendo, relinquimus. Si usus exter-
 norum remediorum Medico arridet, præ aliis commen-
 damus Emplastra ex Gummatibus, & tonicis parata: *Empl.*
Stomach. Crat. & cum Frid. Hoffm. Seniore olim Archiatro
 Halensi Celeberr. *Empl. Stypticum. Myns. ex Tacam. & ma-*
stich. cum ol. Mastich. vel oleum Stomach. aliæque stomachum
reborantia, item Sacculos ex herbis tonicis, Menth. Meliss. Ab-
synth. Fl. Rosar. &c. paratos.

§. XX.

Symptomaticus vero si existit morbus lientericus,
 tunc non ad symptomata, sed cardinalem morbum, cui super-
 venit maxime respiciendum est: quid enim juvat, si sym-
 ptomatis remotionem curet Medicus & non morbum ip-
 sum attendit? Labor erit vanus & irritus: remota enim
 causa tollitur effectus. Notandum igitur, si vel acuto
 morbo vel chronico aliisque supervenit hic fluxus v. g.
 Si Ictero, Hydropi, aut febribus hæcticis superveniat, he-
 patis refectioni & glandularum est studendum, quod quoq;
 commode fit per laxationem cum epicrasi institutam, ad-
 ditis

ditis resolventibus & aperientibus : his vero si cardinalis superatur morbus, hic ut symptoma sponte cessat : Cautelæ loco notandum *primo*, ut sibi caveat Medicus, sub usu Adstringentium, ne, dum lenteria succurrere studet cardinali morbo injuriam faciat : *Secundo*, ut, *Opiata* si in usum trahantur, caute cum illis procedat, hæc enim in nimis magna copia propinata, tonum debilitant, & sic stas in humorum circa intestina producant & causantur : *tertio*, ut in Lienteria nimis acria, stimulantia, calida, imprimis fortiora laxantia, exulare debeant.

§. XXI.

Antequam vero vela hujus tractationis nostræ plane contrahamus de Diætâ Lientericorum adhuc pauca addere placet : Aëris usus igitur debet esse moderatus, imprimis temperatus : frigidus enim & simul humidus alvi excretiones producit, si quidem poros obstruit & transpirationem impedit, ut humores serosi augeantur, ac per cutem excernendi & exhalandi in corpore remaneant, & ad intestina, ventriculum, aliasq; partes invitentur : hanc ob causam quoque videmus sub finem æstatis, & initio autumnii fluxus tales oriri, quod quoque confirmat Gabelchoyerus Practicus antiquorum celeberrimus Cent. 3. cur. 73. qui sunt densæ texturæ, & habent cutim spissam & poros arctos sæpius quotidie egerunt, quam qui poros habent apertos, ex quibus vapores & humiditates possunt resolvi, egestiones exsiccantur, & corpora magis sunt constipata.

Imprimis vero nocturno tempore corpus aëri ejusmodi non est exponendum, sed lectis sufficienter tegendum ; hinc male agunt, qui apertis foribus & fenestris dormiunt. Cibus Lientericorum talis fit, qui ventriculo & intestinis robur inducit, hinc liquida co-

cta non æque conveniunt, sed affata antecellunt; nimia quoque nocet ingurgitatio ciborum, imprimis vero acriorum, acidorum, crudiorum de quibus jam, ubi de causis egimus, pluribus locuti sumus. Præ aliis dissuademus brassicam muriaticam, vulgo *Sauer-Kraut*, cujus imprimis Germani maxima copia vescuntur. Melones quoque, cucumeres, & fructus horæi exulent. Potus sit modicus, non tenuis sed consistentior; hinc cerevisia ex hordeo tosto & paulo fortius lupulata præferenda est illis, quæ ex hordeo aëre desiccato & sine lupulo parantur, quorum pertinet *Zittus* vulgo *Breyhan*, aliæque cerevisiæ fermentescentiam & flatulentiam in intestinis inducentes. Vini potum sed generosioris & antiqui non dissuademus modicum. Sulphuratum vero & nimis acidum, nimisque dulce nocet. Contra vero Spiritus ardentes *Brandtwein* angue peiores sunt fugiendi, item Mustum ob fermentescentiam, quam facile inducit, de qua Schola Salernitana. Impedit urinam mustum, solvit cito ventrem.

Vita non nimis sit sedentaria nec nimis mobilis, nimii enim corporis motus hunc affectum sæpe revocant ut sunt vecturæ & equitationes nimix; sedentaria vero vita, dum in subjectis humidioribus transpirationem impedit, & corpus multis ferosis humoribus remanentibus replet, ceteris paribus alvi fluxus provocat. Excreta & retenta cum consuetudine respondeant & natura; hæc enim inordinate præsentia, hic subsequitur affectus: somnus sit diutior ordinario, Sudor enim sub illo promovetur. Ab animi quoque pathematibus unusquisque sibi caveat Lientericus, hæc enim non tantum multos affectus damnosos inducere, sed illos quoque jam præsentis exacerbare posse, optime observavit Excell. PRÆSES in Organ. & Mechan. Sect. II. Cap. II.

Hæc

Hæc omnia a nobis breviter commendata, si rite atque debite observantur, non tantum affectus hujus præsentiam tollunt, sed imprimis ad præservationem illius recursus (qui alias non æque rarus est) multum faciunt: e contra vero neglectis illis, & ubi sedem jam fixam occupavit affectus, contabescentiam aliosque molestos post se trahit affectus, quos denique mors immediate sequitur, quæ omnibus rebus & actionibus humanis imponit finem.

Et nobis nunc tempus suadet huic nostræ Translationi colophonem imponere, nostra igitur vela expansa contrahimus, DEOque T. O. M. pro benevolentia sua atque clementia ad hanc pertractionem concessa summas debemus atque referimus gratias, illum precantes, ut gratia sua divina nobis porro adsit, nostrisque conatibus benedicat. Tibi vero L. B. foetum nostrum Academicum Tuoque favori commendamus, rogantes, ut errores in illo Tibi forsan occurrentes benevole emendes atque corrigas.

FINIS.

COROLLARIUM.

Vini adusti usus neque sanis neque morbidis conducit.



Ehr werthgeschätzter Freund,

Mein Geist ist so entzückt,
Daß er die süsse Lust nicht länger kan verschweigen,
Weil er Dich heute sieht den Ehren-Berg ersteigen,
Wo Dich der Aesculap mit Samt u. Purpur schmückt,
Und, da Du ihm bisher als wie ein Knecht gefröhnet,
Mit einem Doctor-Hut Dein fluges Haupt bekrönt.

So gehst, wer Tag und Nacht bey seinen Büchern
sitzt,

Und schon von Kindheit an beständig drauf studiret,
Wie er Morbonens Schmerz am glücklichsten curiret,
Der siehet endlich wohl, was ihm sein Fleiß genügt;
Wie wir es jetzt an Dir und Deinen muntern We-
sen,

Geehrter Herzens-Freund, ganz deutlich
können lesen.

Der Himmel sehe Dich hinfort nur gütig an,
Und lasse Dich nach Wunsch in Glück und Segen ste-
hen,

Damit Du mögest stets auf Tuber-Rosen gehen;
Und ich dereinsten auch von Dir erfahren kan,
Daß sich mit Lust bey Dir so Ehr als Reichthum meh-
ren,

Womit Galenus pflegt die seinen zu beehren.

Mit diesen wenigen wolte bey der längst ver-
dienten Doctor-Promotion seines werthen
Freundes zugleich seine inangste Freude be-
zeugen

M. Christoph Sande.

Gubena-Lnsat.



MAD RIGAL.

Siegea kennet Deinen Fleiß,
Und sie bestimmt Dir schon den Preis
Der wohlverdienten Doctor-Würde.

Sie ruffet Dir. So geh' und nimm ihn an;
Daß sich Dein Freund mit Dir erfreuen kan.
Er wünschet Dir viel Glücke!

So kömmt Du denn vergnügt zurücke,

Jedoch der Tod erzürnet sich;

Er weiß, Du wirst Dich an ihm rächen;

Er schrehet Contra wider Dich!

Auf! auf! Du mußt ihm widersprechen.

Geh! setz ihm Deine Kunst als einen Wenzel für,

Du wirst es sehn, er strecket sich für Dir.

So scherzet mit seinem Freunde bey dessen
rühmlichst erhaltenen Doctor-Würde derjenige,
der künfftig

Im Grünen Logiret.

SONNET.

In Trieb zur Wissenschaft beseelte Deine Brust
Da sich Dein Fleiß genug in mancher Kunst
geübet,
Der Weißheit nachgejagt, und edlen Wiß geliebet,
So frönt Hygæa Dich mit inniglicher Lust.
Die Wunder der Natur sind Dir nunmehr be-
wust,
Du kennst Morbonens Macht, und was ihr Nahrung
giebet,
Du zeigst der Dinge Krafft, was labet, was betrü-
bet.
Du weißt was dienlich ist, und was du fliehen
mußt.
Empfange nun den Lohn, der längst verdient gewesen,
Laß Schlessien Dein Lob in vielen Schrifften lesen,
Verfolge Tugendhaft den schon gewohnten Lauff.
Der Todt ist voller Furcht, und eilt vor Scham zum
Grabe;
Was ich aus Schuldigkeit Dir noch zu wünschen habe.
Ist diß: Erfreu Dein Haus, und hilff den Schwa-
chen auf.

Hiedurch wolte dem hochgeehrten Hrn. Can-
dato, seinem werthgeschätzten Freunde zu der rühm-
lichst erhaltenen Doctor-Würde nach Pflicht gra-
tuliren; dessen ergebenster Freund und Diener.

C. G. Grünband.
Jur. Cult.

